

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA  
Z E N I C A  
Broj: T04 0 KT 0049301 24  
Zenica, 09.12.2024. godine

OPĆINSKOM SUDU U VISOKOM  
*Sudiji za prethodno saslušanje*  
VISOKO

Na osnovu člana 45 stav 2 tačka i) u vezi sa članom 241. Zakona o krivičnom postupku FBiH, p o d i ž e m

**O P T U Ž N I C U**

**Protiv:**

**Ž. M.**, neosuđivan,

**Što je:**

Dana 03.06.2022. godine, oko 10,00 sati, na području općine Vareš, u Odjelu [REDAKTIRANO]. „[REDAKTIRANO]“ na lokaciji zvanj „[REDAKTIRANO]“, opće opasnom radnjom izazvao opasnost za život ljudi, na način da je obavljajući poslove i radne zadatke „Sjekača-radnika u šumarstvu“ prilikom sječe-obaranja jelovog stabla motornom pilom postupio je suprotno odredbama članu 16. Pravilnika o zaštiti na radu u šumarstvu Sl. list SRBIH br.20/1985 god. kojim je propisano da „ukliještena stabla (zaustave) obaraju se na bezbjedan način, upotrebom odgovarajućih tehničkih pomagala (traktorom, čekrkom, kablom, capinima, čakljama, polugama i sl.) i da sjekačka grupa ne smije napustiti mjesto sječe dok ne obori ukliješteno stablo, a ukoliko to ne može učiniti, obavezna je da opasno mjesto vidno obilježi i o tome obavijesti odgovornog radnika u osnovnoj organizaciji odnosno poslodavca“, pa je tako napravio usjek kako bi odredio smjer pada stabla, a zatim napravio manji usjek za klinove sa stražnje strane stabla u koji utor je L. A. ubacio klinove udarajući ih sjekirom radi narušavanja stabilnosti stabla i lakšeg i bezbjednijeg obaranja, da bi potom Ž. M. motornom pilom izvršio završni rez za obaranje stabla koje nije krenulo u planiranom smjeru iz razloga što su grane obaranog stabla bile upletene u grane drugog dubećeg stabla, te se zaustavilo na dvije grane (dva tića) dubećeg stabla jele tako da je došlo do ukliještenja stabla, odnosno do tzv. ustave stabla, pa je Ž. M. nastavio sa obaranjem ustave, iako je bio svjestan da zbog ovakvog njegovog činjenja može nastupiti zabranjena posljedica, ali je olako držao da ona neće nastupiti ili da će je moći spriječiti, te je odrezao čok visine 40 cm kako bi stablo sušike skinuo sa panja jer ista nije htjela da spadne, i dok je A. udarao sjekirom po klinu stablo sušike je skliznulo sa panja i od udara od zemlju stablo se u zraku polomilo, i tom prilikom je jedan dio stabla koji se prelomio udarilo A. usljed čega je zadobio teške tjelesne povrede opasne po život, od kojih povreda je dana 07.06.2022. godine preminuo u UKC Sarajevo,

čime je počinio krivično djelo teška djela protiv opće sigurnosti ljudi i imovine iz člana 328. stav 4. u vezi sa članom 323. stav 4. u vezi stava 1. KZ F BiH.